



Na osnovu člana 46. stav (5) Zakona o izvršavanju Budžeta Unsko-sanskog kantona za 2026. godinu („Službeni glasnik Unsko-sanskog kantona“, broj 1/26), člana 14. Zakona o poticaju razvoja male privrede Unsko-sanskog kantona („Službeni glasnik Unsko-sanskog kantona“, broj 5/26) i Programa poticaja razvoja male privrede za 2026. godinu, broj: 03-02-44-589/2026 od 6.5.2026. godine Ministarstvo privrede objavljuje:

JAVNI POZIV

za odabir korisnika sredstava po Programu poticaja razvoja male privrede za 2026. godinu
„Poticaj obrtima“

I. PREDMET JAVNOG POZIVA

Predmet ovog Javnog poziva je prikupljanje prijava za odabir korisnika sredstava po Programu poticaja razvoja male privrede za 2026. godinu „Poticaj obrtima“, u svrhu **sufinansiranja prihvatljivih troškova** subjekata male privrede – obrta, srodnih djelatnosti, domaće radinosti te tradicionalnih i starih zanata, **koji obavljaju osnovno ili dodatno zanimanje**, u skladu sa uslovima i namjenom utvrđenim ovim Javnim pozivom.

II. PRAVO UČEŠĆA

Pravo učešća imaju subjekti male privrede definisani Zakonom o obrtu i srodnim djelatnostima u Federaciji BiH („Službene novine Federacije BiH“, broj 75/21), i to: obrti, srodne djelatnosti, domaće radinosti i tradicionalni i stari zanati, registrovani najkasnije do 31.12.2025. godine, **koji djelatnost obavljaju kao osnovno ili dodatno cjelogodišnje zanimanje** u okviru proizvodne, proizvodno-uslužne ili uslužne djelatnosti.

Podnosioci prijava koji nisu uskladili poslovanje sa Zakonom o obrtu i srodnim djelatnostima („Službene novine FBiH“ br. 75/21) ili šifre djelatnosti sa KD BiH 2010 bit će odbijeni i neće biti predmet daljeg razmatranja.

Izbor korisnika vrši se na osnovu šifre pretežne djelatnosti navedene u Obavijesti o razvrstavanju poslovnog subjekta prema djelatnosti, koju izdaje Zavod za statistiku Federacije BiH, **a koju je podnosilac prijave imao na dan 31.12.2025. godine.**

Subjekti male privrede **koji djelatnost obavljaju sezonski nemaju pravo učešća** po ovoj mjeri, kao **ni subjekti male privrede koji su koristili sredstva po Programu u prethodne tri godine, i to u periodu od 2023. do 2025. godine.**

Ograničenja se **ne odnosi se na subjekte male privrede iz područja C-Prerađivačka industrija, za koje se dodjeljuju poticajna sredstva.**

III. USLOVI ZA DODJELU SREDSTAVA

Pravo na dodjelu poticajnih sredstava ostvaruju subjekti male privrede koji ispunjavaju sljedeće uslove:

- da na osnovu Obavještenja o razvrstavanju poslovnog subjekta prema klasifikaciji djelatnosti Zavoda za statistiku Federacije BiH obavljaju registrovanu djelatnost koja prema Klasifikaciji djelatnosti KD BiH 2010 pripada jednoj od oblasti djelatnosti navedenih u tabeli iz ovog člana, te da su **istu imali registrovanu kao pretežnu djelatnost na dan 31.12.2025. godine;**

RB	Oblast /grana/ Razred	Djelatnosti za koje se dodjeljuju poticajna sredstva
----	-----------------------------	---

1.	Od C/10.11 do C/10.13	Prerađivačka industrija
	C/10.31	
	C/10.32	
	C/10.51	
	C/10.73	
	C/11.07	
	Od C/13 do C/17	
	C/18.12	
	C/20.42	
	C/20.53	
	Od C/23 do C/29	
	Od C/31 do C/33	
	2.	
3.	H/49.41	Cestovni prijevoz robe
4.	J/62.01	Računarsko programiranje
5.	M/69.20	Računovodstvene, knjigovodstvene i revizijske djelatnosti; porezno savjetovanje
6.	M/71.12	Inženjerske djelatnosti i s njima povezano tehničko savjetovanje
	M/74.10	Specijalizirane dizajnerske djelatnosti
	M/74.20	Fotografske djelatnosti
7.	N/81.22	Ostale djelatnosti čišćenja zgrada i objekata
	N/81.30	Uslužne djelatnosti uređenja i održavanja zelenih površina
8.	P/85.53	Djelatnosti vozačkih škola
9.	S/95	Popravlak računara i predmeta za ličnu upotrebu i domaćinstvo
	S/96.01	Pranje i hemijsko čišćenje tekstila i krznenih proizvoda
	S/96.04	Djelatnosti za njegu i održavanje tijela

- b) da su registrovani najkasnije do 31.12.2025. godine i imaju sjedište na području Kantona;
- c) da imaju pozitivno poslovanje u 2025. godini;
- d) da imaju najmanje jednog zaposlenog na neodređeno vrijeme, pri čemu se za zaposlenog smatra i vlasnik obrta koji aktivno obavlja rad u svom obrtu;
- e) da osiguraju vlastito učešće u ukupnoj vrijednosti projekta, i to: **obrti i srodne djelatnosti** u iznosu od **najmanje 30%**, a **domaća radinost i tradicionalni i stari zanati** u iznosu od **najmanje 10%**;
- f) da uredno izmiruju direktne poreze, i to: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale propisane naknade i takse (podnosioci prijava koji imaju zaključen sporazum o servisiranju duga sa poreskim organima u Bosni i Hercegovini neće biti uzeti u razmatranje);
- g) da uredno izmiruju indirektne poreze i druge indirektne dadžbine, ukoliko su u sistemu poreza na dodatu vrijednost (PDV);
- h) da nije pokrenut niti okončan postupak gašenja, obustave ili ograničenja poslovne aktivnosti;
- i) da se protiv vlasnika ne vodi krivični postupak i da nije pravosnažno osuđen za prekršaj i/ili za počinjenje krivičnih djela organiziranog kriminala, korupcije, prevare ili pranja novca u skladu sa važećim propisima u Bosni i Hercegovini;

- j) da su opravdali sredstva dodijeljena po programima ovog Ministarstva, te izvršili obavezu utvrđenu članom 48. stav (8) Programa.

IV. SREDSTVA ZA IMPLEMENTACIJU

Sredstva za implementaciju ove mjere obezbjeđena su u Budžetu Unsko-sanskog kantona za 2026. godinu, budžetski korisnik Ministarstvo privrede, na ekonomskom kodu 614500 FAP002 – „Subvencije preduzećima i poduzetnicima“ u ukupnom iznosu od **600.000,00 KM**.

Minimalan iznos sredstava koji se može dodijeliti **obrtima i srodnim djelatnostima** registrovanim za obavljanje djelatnosti prema sljedećim šiframa djelatnosti: C (10.11-10.13, 10.31, 10.32, 10.51, 10.73, 11.07, 13-17, 20.42, 20.53, 23-29, 31-33), F/43, H/49.41, J/62.01, M/69.20, M/71.12, M/74.10, M/74.20, N/81.22, N/81.30, P/85.53, S/95, S/96.01 i S/96.04, iznosi **1.500,00 KM**, a **maksimalan iznos 8.000,00 KM**.

Minimalan iznos sredstava koji se može dodijeliti **domaćoj radinost te tradicionalnim i starim zanatima**, registrovanim u okviru šifre djelatnosti C (10.11-10.13, 10.31, 10.32, 10.51, 10.73, 11.07, 13-17, 20.42, 20.53, 23-29, 31-33), F/43, H/49.41, J/62.01, M/69.20, M/71.12, M/74.10, M/74.20, N/81.22, N/81.30, P/85.53, S/95 i S/96.01, iznosi **1.000,00 KM**, a **maksimalan iznos 5.000,00 KM**. Ukoliko podnosioci prijava podnose prijave za učešće na domaćim i međunarodnim sajmovima u svojstvu izlagača, minimalan iznos sredstava koji im se može dodijeliti iznosi **500,00 KM**, a maksimalan iznos **2.500,00 KM**.

V. NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV. ovog Javnog poziva namijenjena su za sufinansiranje **prihvatljivih troškova**:

- a) nabavka mašina, proizvodnih linija, uređaja i opreme (uključujući zavisne troškove: transport, špedicija, carinjenje, montaže, i dr.): nabavka ili izrada digitalnih rješenja u cilju automatizacije poslovnih procesa (softver i hardver), sve u funkciji osnovne djelatnosti;
- b) unutrašnjeg uređenja proizvodnog prostora uključujući (građevinske radove - podovi, pregrade, izolacija, elektroinstalacije i industrijska rasvjeta, ventilacija, grijanje, klimatizacija, protivpožarni i sigurnosni sistemi) – *(samo za djelatnosti prerađivačke industrije u okviru šifri djelatnosti za koje se dodjeljuju poticajna sredstva)*;
- c) postavljanje solarnih fotonaponskih sistema na krovovima proizvodnih objekata - hala radi proizvodnje električne energije iz sunčeve energije za vlastitu potrošnju, uključujući izradu projektne dokumentacije, nabavku i ugradnju solarnih panela i prateće opreme (inverteri, nosači, kablovi, ormari, zaštitna oprema i dr.) – *(samo za djelatnosti prerađivačke industrije u okviru šifri djelatnosti za koje se dodjeljuju poticajna sredstva)*;
- d) tehničko usklađivanje kroz uvođenje modernizacije i inovacije poslovnih procesa, uključujući uvođenje sistema međunarodnih standarda kvaliteta, odgovarajuće konsultantske usluge, edukacije za certificiranje sistema i proizvoda (CE znak), te stjecanje prava ili obnavljanje upotrebe standarda ISO, HACCP, HALAL i drugih međunarodnih standarda i
- učešće na domaćim i međunarodnim sajmovima kao izlagači, uključujući troškove zakupa sajamskog prostora, najma, uređenja i vođenja štanda, kao i troškove izrade i štampanja promotivnih materijala.

Sredstva iz člana tačke IV. ovog Javnog poziva, u okviru šifre djelatnosti **85.53 – djelatnosti vozačkih škola**, namijenjena su za **sufinansiranje prihvatljivih troškova**: *digitalizacija i softverska podrška* (nabavka edukativnih softvera i aplikacija za teorijsku nastavu), opremanje učionica - isključivo za one subjekte koji imaju odobrenje za osposobljavanje kandidata za teorijski dio vozačkog ispita (interaktivne table, projektor, laptop, tv, računar i drugi tehnički uređaji), *simulatorski sistemi za obuku* (nabavka i održavanje simulatora vožnje koji pomažu u teorijskoj i praktičnoj nastavi, *servisiranje vozila* (zamjena ulja i tečnosti za motor, filtera, kočionog sistema, klimatizacije) i nabavku opreme (gume za vozilo: set zimskih i/ili ljetnih guma sa oznakom DOT 26, isključivo za vozila u vlasništvu). Utvrđeni troškovi sufinansiranja moraju biti **isključivo** namijenjeni djelatnosti koja se obavlja.

Sredstva iz tačke IV ovog Javnog poziva, u okviru šifre djelatnosti **49.41 – cestovni prijevoz robe**, namijenjena su za sufinansiranje prihvatljivih troškova: *servisiranje vozila* (zamjena ulja i tečnosti za motor, filtera, kočionog sistema, klimatizacije) i nabavku opreme (gume za vozilo: set zimskih i/ili ljetnih guma sa oznakom DOT 26, isključivo za vozila u vlasništvu). Utvrđeni troškovi sufinansiranja moraju biti **isključivo** namijenjeni djelatnosti koja se obavlja.

Podnosioci prijave koji, na osnovu rješenja nadležnog organa, obavljaju cjelogodišnju djelatnost tradicionalnog i starog zanata, u skladu s Uredbom o zaštiti tradicionalnih i starih zanata („Službene novine Federacije BiH“, broj 28/22), mogu **dio ukupno dodijeljenih sredstava Ministarstva** utrošiti na nabavku repromaterijala **isključivo neophodnog za obavljanje osnovne djelatnosti**, u iznosu do najviše **2.500,00 KM**.

Mašine, postrojenja i oprema koji se nabavljaju **ne smiju biti stariji od pet godina** od dana objave Javnog poziva.

Podnosilac prijave u Prijavnom obrascu može iskazati potrebu za namjenom utroška sredstava za sve vrste sufinansiranja, pri čemu ukupan iznos sredstava koji traži od Ministarstva za obrt i srodne djelatnosti može iznositi najviše **8.000,00 KM**, a za domaću radinost i tradicionalne i stare zanate **najviše 5.000,00 KM**.

Sredstva dodijeljena po predmetnoj mjeri mogu se koristiti isključivo za troškove direktno povezane sa obavljanjem pretežne djelatnosti subjekta. **Neprihvatljivi troškovi za koje se dodijeljena sredstva ne mogu koristiti su:** nabavka softvera koji nije dio projekta, izrada softvera od strane zaposlenika firme, troškovi izrade web stranice, repromaterijal (osim starih i tradicionalnih zanata koji obavljaju cjelogodišnju djelatnost u skladu s Uredbom o zaštiti tradicionalnih i starih zanata), police osiguranja imovine i ljudi, kupovina i iznajmljivanje objekata, zemljišta, svih motornih i priključnih vozila, kupovina objekta za najam ili prodaju, plaće i doprinosi na plaće, troškovi po osnovu Ugovora o djelu, kao i nabavka mašina, postrojenja, usluga i opreme od lica koja nisu registrovana kao poslovni subjekti i koja spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije), cesije, kompenzacije/novo za staro, krediti, revolving krediti, lizing, gotovinska plaćanja, nastavak realizacije aktivnosti na projektima koji su započeti s implementacijom prije dana objave Javnog poziva po ovom Programu (predračuni, računi i plaćanja starija od dana objave Javnog poziva) i svi ostali troškovi koji nisu u skladu sa namjenom projekta iskazanom u Prijavnom obrascu.

Ministarstvo će odobriti sredstva isključivo za troškove koji su opravdano potrebni za obavljanje pretežne djelatnosti subjekta i realizaciju ciljeva projekta, u skladu sa Prijavnim obrascem. Troškovi koji nisu opravdano povezani sa pretežnom djelatnošću ili projektom neće biti odobreni za sufinansiranje. Ukoliko prijava uključuje neprihvatljive troškove navedene u Prijavnom obrascu, izvršit će se umanjeње ukupne vrijednosti projekta za iznos tih troškova.

Rok za implementaciju projekta je najduže do 31.12.2026. godine, od dana zaključenja Ugovora.

Svako korištenje odobrenih sredstava suprotno namjeni utvrđenoj ovom tačkom smatra se nenamjenskim utroškom i podliježe obavezi povrata cjelokupnog iznosa sredstava dodijeljenih od strane Ministarstva.

Korisnici sredstava ne mogu prestati s obavljanjem djelatnosti u periodu od najmanje jedne godine od dana zaključenja Ugovora o dodjeli sredstava. U suprotnom, dužni su izvršiti povrat dodijeljenih sredstava u cjelokupnom iznosu. Obaveza povrata sredstava ne odnosi se na slučajeve kada je prestanak obavljanja djelatnosti uzrokovan teškom bolešću, smrću ili višom silom, kao ni u slučaju prestanka obavljanja obrta radi njegovog zatvaranja, ukoliko se istovremeno registruje drugi poslovni subjekt koji obavlja istu djelatnost i ima istog vlasnika.

VI. KRITERIJI ZA IZBOR KORISNIKA

1. Broj zaposlenih;
2. Vrsta djelatnosti;

3. Ukupan broj zaposlenih iz ciljnih skupina (žene, mladi do 38 godina i osobe sa invaliditetom);
4. Vlastito učešće u ukupnoj vrijednosti projekta;
5. Zaključen ugovor subjekta male privrede sa obrazovnim institucijama o obavljanju praktične nastave i/ili ferijalne prakse;
6. Poslovanje subjekta male privrede u jedinicama lokalne samouprave;
7. Korisnik poticaja Ministarstva privrede u prethodne dvije godine (2024. i 2025. godina);

VII. PRIJAVA PO JAVNOM POZIVU

Prijava na Javni poziv se vrši putem Prijavnog obrasca (**Aneks I**) koji se preuzima sa web stranice Vlade Kantona (www.vladausk.ba). Potpisom i ovjerom Prijavnog obrasca, podnosilac prijave daje saglasnost da će, u slučaju odobravanja sredstava, zaključiti Ugovor o dodjeli sredstava pod uslovima utvrđenim ovim Programom.

Uz Prijavni obrazac potrebno je dostaviti sljedeću dokumentaciju:

- a) Izjava o vlastitom učešću finansijskih sredstava za realizaciju projekta – **obrta i srodne djelatnosti** (vlastito učešće u ukupnoj vrijednosti projekta iznosi minimalno **30%**) – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks II – koji je sastavni dio ovog Programa**);
- b) Izjava o vlastitom učešću finansijskih sredstava za realizaciju projekta – **domaća radinost i tradicionalni i stari zanati** (vlastito učešće u ukupnoj vrijednosti projekta iznosi minimalno **10%**) – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe (**Aneks III – koji je sastavni dio ovog Programa**);
- c) Rješenje o registraciji od nadležnog gradskog/općinskog organa iz kojeg se može pouzdano utvrditi da se navedena djelatnost obavlja kao osnovno ili dodatno zanimanje (ovjera ne starija od tri mjeseca od dana objave Javnog poziva);
- d) Ovjerena kopija Uvjerenja o poreznoj registraciji (ID broj) (ovjera ne starija od tri mjeseca od dana objave Javnog poziva);
- e) Ovjerena kopija Obavijesti o razvrstavanju subjekta prema djelatnosti usklađeno sa Klasifikacijom djelatnosti KD BiH 2010 (Federalni zavod za statistiku) (ovjera ne starija od tri mjeseca od dana objave Javnog poziva);
- f) Original ili ovjerena kopija Uvjerenja od Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i poreza na dohodak, kao i ostalih naknada i taksi (ne starija od tri mjeseca od dana objave Javnog poziva);
- g) Original ili ovjerena kopija Uvjerenja o urednom izmirenju indirektnih poreza i dadžbina od Uprave za indirektno oporezivanje (ukoliko je podnosilac u sistemu PDV-a), ne starija od tri mjeseca od dana objave Javnog poziva. Kao validno se priznaje i postojeće uvjerenje izdano za prethodnu proceduru ili Javni poziv (npr. tender), pod uvjetom da nije starije od tri mjeseca od dana objave Javnog poziva i da je izdano od nadležnog organa:
U slučaju da podnosilac prijave nije u sistemu PDV-a, potrebno je dostaviti Izjavu o tome, potpisanu i ovjerenu od strane podnosioca prijave.
- h) Original ili ovjerena kopija Liste osiguranika izdana od strane Porezne uprave (ne starija od 30 dana od dana objave Javnog poziva);
- i) Kopija Specifikacije za utvrđivanje dohotka od samostalne djelatnosti (Obrazac SPR-1053) za 2025. godinu (sa pečatom prijema Porezne uprave ili šifrom DLN) ili Rješenje o paušalnom plaćanju poreza za 2025. godinu ili Uvjerenje Porezne uprave da je podnosilac prijave obveznik plaćanja poreza na dohodak od samostalne djelatnosti u paušalnom iznosu za 2025. godinu;
- j) Original ili ovjerena kopija potvrde općinskog/gradskog organa uprave da nije pokrenut postupak gašenja, obustave ili ograničenja poslovne aktivnosti (ne starija od tri mjeseca od dana objave Javnog poziva);

- k) Izjava o pripadnosti uposlenika ciljnim skupinama (žene, mladi do 38 godina i osobe sa invaliditetom), potpisana i ovjerena od strane podnosioca prijave (**Aneks IV – koji je sastavni dio ovog Programa**);
- l) Kopija dokumenta iz kojeg je vidljiv broj transakcijskog računa (ne može se mijenjati u proceduri dodjele sredstava) na koji će se sredstva doznačiti (ugovor ili karton deponovanih potpisa ili potvrda);
- m) Original ili kopija ponude ili predračuna sa uključenom tehničkom specifikacijom troškova, izdana od odgovarajućeg poslovnog subjekta, za sve namjene utroška sredstava navedene u Prijavnom obrascu. Ponude ili predračuni sa uključenim tehničkim specifikacijama ne mogu biti od dobavljača koji spadaju u kategoriju povezanih lica sa podnosiocima prijave (isti vlasnik i/ili suvlasnik pravnog lica, vlasništvo i/ili suvlasništvo bračnog druga, i/ili srodnika u prvom koljenu, i/ili lica koja žive u istom domaćinstvu ili imaju međusobno povezane ili zajedničke investicije).

Dostavljena ponuda ili predračun ne mogu biti stariji od dana objave Javnog poziva;

- n) Dokaz da je objekat na koji se postavljaju solarni paneli legalno izgrađen – ovjerena kopija pravosnažnog Odobrenja za građenje (dostavljaju samo subjekti koji u Prijavnom obrascu apliciraju za projekat postavljanje solarnih fotonaponskih sistema na krovovima proizvodnih objekata - hala, u skladu sa članom 17. stav (1) alineja c) Programa;
- o) Potvrda/uvjerenje škole da subjekt male privrede ima zaključen ugovor o izvođenju praktične nastave za redovne učenike (dostavljaju samo subjekti koji imaju zaključen ugovor, nije obavezna dokumentacija);
- p) Izjava da se protiv lica ovlaštenog za zastupanje ne vodi krivični postupak i nije pravosnažno osuđen za prekršaj i/ili počinjenje krivičnog djela organiziranog kriminala, korupcije, prevare ili pranja novca u skladu sa važećim propisima u BiH – propisana i dostupna na web stranici Vlade Kantona, ovjerena pečatom podnosioca prijave i potpisana od strane ovlaštene osobe, ovjerena i od strane nadležnog gradskog/općinskog organa ili notara (**Aneks V – koji je sastavni dio ovog Programa**);
- q) Rješenje o invalidnosti ukoliko vlasnik ili direktor pripadaju navedenoj kategoriji (original ili ovjerena kopija – ovjera ne starija od tri mjeseca od dana objave Javnog poziva);
- r) Izjava o primljenim pomoćima male vrijednosti (de minimis pomoć), potpisana i ovjerena pečatom podnosioca prijave (dostupna na web stranici Vlade Kantona) (**Aneks VI – koji je sastavni dio ovog Programa**);

Prijave će biti odbijene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

Podnosilac prijave može podnijeti samo jednu prijavu po ovoj mjeri, a isto tako ima pravo prijaviti se i na javni poziv „Podrška subjektima male privrede za učenike na praktičnoj nastavi u školskoj 2025/2026 godini, ali isti nema pravo podnošenja prijave na Javni poziv ovog Ministarstva po Programu poticaja razvoja turizma za 2026. godinu.

U slučaju više prijave istog podnosioca, sve prijave će biti odbačene kao neosnovane i neće biti predmet daljeg razmatranja.

VIII. OBRADA PRIJAVA I IZBOR KORISNIKA

Za razmatranje prijave po Javnom pozivu za odabir korisnika sredstava po Programu poticaja razvoja male privrede za 2025. godinu za mjeru „Poticaj obrtima“ ministrica Ministarstva privrede Rješenjem imenuje Komisiju.

Komisija ima zadatak, u skladu sa kriterijima i procedurama utvrđenim Programom, ovim Javnim pozivom i Pravilnikom o postupcima u provođenju Programa poticaja razvoja male privrede, broj: 06-02-6126-1/26 od 04.05.2026. godine, da :

- a) izvrši evaluaciju i bodovanje prijave;
- b) sačini Preliminarnu rang listu korisnika sredstava;
- c) sačini listu subjekata male privrede čije su prijave neblagovremene, nepotpune ili neosnovane te iste dostavi ministrici.

Po odobrenju ministricice, liste se objavljuju na web stranici Vlade Kantona: www.vladausk.ba. Na objavljene liste subjekti male privrede imaju pravo prigovora, koji se podnosi Ministarstvu u pisanoj formi, u roku od osam dana od dana objave lista na web stranici Vlade Kantona. Nakon isteka roka za podnošenje prigovora i odlučivanja po prigovorima, ministrica donosi Konačnu rang listu korisnika sredstava sa ukupnim brojem bodova i iznosom odobrenih poticajnih sredstava, u roku od osam dana od dana isteka roka za podnošenje prigovora. Vlada Kantona daje saglasnost na Konačnu rang listu i ista se objavljuje na web stranici Vlade Kantona. Po dobivanju saglasnosti od Vlade Kantona na Konačnu rang listu korisnika sredstava Ministarstvo sa korisnicima sredstava zaključuje Ugovore o dodjeli sredstava, nakon čega će se sredstva doznačiti na transakcijske račune korisnika.

IX. NAČIN DOSTAVLJANJA PRIJAVA

Prijave sa potrebnom dokumentacijom dostavljaju se u zatvorenoj koverti, lično putem protokola Vlade Kantona ili preporučeno putem pošte, na adresu

**Ministarstvo privrede Unsko-sanskog kantona, Ul. Alije Đerzeleza br. 2, 77 000 Bihać,
s naznakom**

***Prijava na Javni poziv za odabir korisnika sredstava po Programu poticaja razvoja male privrede
za 2026. godinu „Poticaj obrtima“
„NE OTVARAJ“.***

Rok za podnošenje prijava je **30 dana** od dana posljednje objave Javnog poziva. Neblagovremene prijave, dostavljene nakon isteka roka utvrđenog Javnim pozivom, neće se razmatrati i ne vraćaju se podnosiocima prijava.

X. IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako vlastitih, tako i dodijeljenih sredstava Ministarstva. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Tokom projekta, korisniku se daje mogućnost da izvrši nabavku roba i usluga koje spadaju u kategoriju prihvatljivih troškova definisanih tačkom V. ovog Javnog poziva. Vrijednost dodatno nabavljenih roba i usluga ne može prelaziti 20% ukupne vrijednosti projekta definisane Ugovorom.

Rok za dostavu Izvještaja o utrošku finansijskih sredstava je **15 dana od dana isteka roka za implementaciju projekta**. Pravljanje će se vršiti sa odgovarajućom dokumentacijom koja se dostavlja ovom Ministarstvu, i to:

- a) Izvještaj o utrošku finansijskih sredstava – popunjen, potpisan i ovjeren od strane korisnika sredstava (**Aneks VII – koji je sastavni dio Programa**);
- b) Izjava o namjenskom utrošku sredstava ovjerena kod nadležnog gradskog/općinskog organa ili notara, propisana i dostupna na web stranici Vlade **Kantona (Aneks VIII – koji je sastavni dio Programa)**;
- c) Računi uz obavezan fiskalni račun (ukoliko postoji zakonska obaveza za izdavanje fiskalnog računa) – original ili ovjerena kopija kod nadležnog gradskog/općinskog organa, koji su u skladu sa predračunima/ponudama, dostavljenim uz prijavu na Javni poziv, uključujući i zavisne troškove. **Napomena:** Račun na kojem nije jasno vidljiva svaka specificirana stavka ili je isti prilikom sačinjavanja fotokopije prekriven fiskalnim računom, neće biti priznat kao dokaz prihvatljivog troška. **Račun ne može biti stariji od dana potpisivanja Ugovora**;
- d) Izvod iz banke o realiziranom nalogu za plaćanje iz kojeg je vidljivo da je plaćanje prihvatljivih troškova izvršeno na osnovu predračuna dostavljenog pri prijavi na Javni poziv, odnosno računa dostavljenog pri pravdanju dodijeljenih sredstava;
- e) Fotodokumentacija – fotografije svake nabavljene stavke, printane u boji na A4 papir – ovjerena na poleđini pečatom podnosioca Izvještaja;

- f) Dokaz o puštanju u rad solarne elektrane od nadležnog organa ili zahtjev korisnika sredstava upućen nadležnom organu za puštanje u rad solarne elektrane, original ili ovjerena kopija kod nadležnog gradskog/općinskog organa (dostavljaju samo korisnici sredstava koji su potpisali ugovor za projekat postavljanje solarnih fotonaponskih sistema na krovovima proizvodnih objekata – hala (u skladu sa članom 17. stav (1) tačka c) Programa);
- g) Carinska deklaracija – ovjerena kopija kod nadležnog gradskog/općinskog organa (ukoliko se radi o uvozu opreme).

Kreditna sredstva, revolving kredit niti lizing ne mogu se priznati kao vlastito učešće korisnika sredstava za realizaciju projekta po ovom Programu.

Ministarstvo zadržava pravo traženja dodatne dokumentacije i pojašnjenja u vezi sa provjerom namjenskog utroška sredstava, pismenim ili usmenim putem.

Ministarstvo vrši nadzor namjenskog trošenja odobrenih sredstava na osnovu dostavljenih Izvještaja, a po potrebi i neposrednim nadzorom kod korisnika sredstava, koristeći valjane izvore verifikacije navedene u Prijavnom obrascu.

Ukoliko korisnik sredstava ne dostavi Izvještaj o utrošku sredstava, Ministarstvo pokreće zakonom propisanu proceduru za povrat dodijeljenih sredstava.

XI. OSTALO

Sredstva se dodjeljuju korisnicima u skladu sa Konačnom rang listom korisnika sredstava, do utroška sredstava predviđenih za implementaciju pojedinačne poticajne mjere.

Sredstva se dodjeljuju u obliku državne pomoći male vrijednosti (de minimis pomoć). Državna pomoć male vrijednosti predstavlja pomoć jednom privrednom subjektu za bilo koju svrhu koja se dodjeljuje jednom ili više puta i koja ne prelazi iznos od 300.000 EUR u tri uzastopne fiskalne godine, u skladu sa Zakonom o sistemu državne pomoći u Bosni i Hercegovini („Službeni glasnik BiH“, broj: 10/12 i 39/20) i Uredbom o uslovima i postupku dodjele male vrijednosti – de minimis pomoć („Službene novine Federacije BiH“, broj: 22/25).

Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona, realizacija dodjele sredstava se obustavlja.

Ministarstvo ne snosi troškove nastale u vezi sa prijavom na Javni poziv.

Korisnici sredstava koji po Programima poticaja razvoja male privrede imaju obavezu povrata sredstava, imaju pravo apliciranja na Javni poziv predviđen Programom, pod uslovom da izvrše svoju obavezu do dana zatvaranja ovog Javnog poziva.

Aneksi od rednog broja I do VIII čine sastavni dio ovog Javnog poziva, propisani su za predmetnu mjeru i dostupni su na web stranici Vlade Kantona: www.vladausk.ba.

Uz ovaj Javni poziv objavljuje se Program poticaja razvoja male privrede za 2026. godinu, dostupan na web stranici Vlade Kantona: www.vladausk.ba., te čini njegov sastavni dio, a ovim Javnim pozivom provodi se mjera „Poticaj obrtima“ iz navedenog Programa.

Sve dodatne informacije vezane za Javni poziv mogu se dobiti putem telefona: 037/316-038 i 037/316-039 ili putem e – maila privreda@vladausk.ba.

Broj: 06-11-5452-7/2026
Bihać, 12.5.2026. godine



MINISTRICA
Samra Mehić, scr.